

III. TITULUA

ERABILTZAILE-MOTAK

I. KAPITULUA

SAILKAPENA

16. artikulua.—Erabiltzaileen sailkapena

Honako maila hauek bereizten dira kirol-instalazioetan sar litezkeen pertsona eta erakundeen artean:

- Harpidetutako erabiltzaileak.
- Harpidetu gabeko erabiltzaileak.
- Kirol klubak, kirol elkarteak eta kirol federazioak.
- Kirol ikastaroak eta kanpainak.
- Eskola-kirola.
- Eskola eta giza- erabilpena.

17. artikulua.—Kirol-instalazioetarako doako sarbidea

Instalazioetara dohainik sartu ahal izango dira soilik honako pertsona hauek:

- a) 4 urtetik beherakoak (urte horretan 5 urte betetzen ez dutenak); beren guraso, tutore edo arduradun adinez nagusiak lagundurik sartu ahal izango dira soilik.
- b) Udal kirol-instalazioetako langileak eta instalazioetan zerbitzuak ematen dituzten zerbitzuetako baten emakidadunetako langileak, beren lanak egiten dituztenean.
- c) Zaintza, kontrol eta laguntza zereginak betetzera instalazioetara joaten diren agintari, funtzionario, osasuneko teknikari, farmazialari eta antzekoak.
- d) Lan horiek egiteko kontsumi litezkeen materialen, higiene eta osasun produktuen eta erregai eta gainerako material edo zerbitzuen hornitzaileak.
- e) Orozkoko «Mercedarias» izeneko Hezkuntza Bereziko Ikastetxea.

Dagozkien zenbatekoak ordaintzera behartuta dauden pertsonari edo erakundeei doan sartzen uzten dieten pertsonak zigortu egingo dira, hori eragozpen izan gabe pertsona horiei eska lekiekeen zigor-izaerako erantzukizunerako.

II. KAPITULUA

HARPIDETUTAKO ERABILTZAILEAK

18. artikulua.—Harpidetutako erabiltzailearen kontzeptua

Harpidetutako erabiltzailetzat jotzen dira izena eman eta onartuak izan ondoren harpidetu izatea egiaztatzen duen txartela eskuratua eta kuota guztien ordainketa egunean duten erabiltzaile harpidetuak.

Harpidetuek Orozkoko Udalak finkatutako kuotak ordaindu beharko dituzte. Kuotak urterokoak izango dira, edozein dela ere sarrera-eskaera egin duten eguna, urtearen azken hiruhilabetekoa izan ezik, berezia izango dalako.

19. artikulua.—Harpidetuen eskubideak

Harpidetuek honako eskubide hauek izango dituzte:

1. Txartela eskuratzeko eskubidea. Txartel hori erabiltzaileek ordaindutako aldiari dagokiona izango da.
2. Harpidedun-txartela aurkeztuta instalazioetara dohainik sartzeko eskubidea. Harpidedunak instalazioak jendearentzat irekita dauden ordutegiak eta egunen barruan sartu ahal izango dira, betiere instalazioaren batean klub edo kirolari federatuen artean ordaindu beharreko sarrerako kirol txapelketarik jokatzeko ez bada.
3. Instalazioak (futbol zelaia, jokaleku estalia...) erreserbatzeko eskubidea, horietarako ezarritako prezioan; erreserbak behar den aurrerapenez egin ahal izango dira.
4. Orozkoko Udalak antolatzen dituen kirol ikastaro guztietan izena eman eta matrikulatzeko eskubidea, plaza libreak baldin badaude, harpidetu gabekoekiko lehentasuna dutelarik eta aurrez dagokion tasa ordainduta.
5. Kirol barrutiaren barruan edo kanpoan kirolen bat egiteko, instalazioetako aldagelak, komunak, duxak, arropazaindegiak eta abar erabiltzeko eskubidea.
6. Udal kirol-instalazioak osatzen dituzten zerbitzu guztiak berariazko araudiaren arabera erabiltzeko eskubidea.
7. Zerbitzu araudi honen ale bat dohainik jasotzeko eskubidea.

20. artikulua.—Erantzukizun Zibileko Aseguruaren estaldura

Afiliazioa alde aurretik Kirol Mutualitate Nagusiari edo beste kirol aseguru bati jakinarazita taldeentzat antolatzen diren jarduerak kenduta, gainerakoek instalazioen gerta litezkeen istripuetarako estaldura izango dute Udalak kirol-instalazioetarako izenpetua duen Erantzukizun Zibileko Aseguruaren bitartez, hori eragozpen izan gabe Udalak izenpetutako kontratuak arautzeko pleguetan ezarritakoa betetzeko.

21. artikulua.—Harpidetutako erabiltzaileen sailkapena

1. Harpidetutako erabiltzaileak sailkatzeko maila hauek daude:

- Banakako abonua Orozkon erroldatuta dauden 0-4 urtera bitarteko erabiltzaileentzat (urte horretan beteta).
- Banakako abonua Orozkon erroldatuta ez dauden 0-4 urtera bitarteko erabiltzaileentzat (urte horretan beteta).
- Banakako abonua Orozkon erroldatuta dauden 5-13 urtera bitarteko erabiltzaileentzat (urte horretan beteta).
- Banakako abonua Orozkon erroldatuta ez dauden 5-13 urtera bitarteko erabiltzaileentzat (urte horretan beteta).

- Banakako abonua Orozkon erroldatuta dauden 14-17 urtera bitarteko erabiltzaileentzat (urte horretan beteta).
- Banakako abonua Orozkon erroldatuta ez dauden 14-17 urtera bitarteko erabiltzaileentzat (urte horretan beteta).
- Banakako abonua Orozkon erroldatuta dauden 18-64 urtera bitarteko erabiltzaileentzat (urte horretan beteta).
- Banakako abonua Orozkon erroldatuta ez dauden 18-64 urtera bitarteko erabiltzaileentzat (urte horretan beteta).
- Banakako abonua Orozkon erroldatuta dauden 65 urtetik gorako erabiltzaileentzat.

2. Aurretik adierazitako harpidedun-mota bakoitzaren barruan, era berean, honakoak bereizi ahal izango dira:

- Urteko harpidetuak.
- Urteko azken hiruhilabeteko harpidetuak.

3. Mota bakoitzerako tarifak Orozkoko Udalak onartuko ditu, aplikatu beharreko arautegian ezarritako prozedurari jarraiki, eta indarrean izango dira harik eta tarifa horiek aldatu edo indargabetzen diren arte.

4. Sailkapenen ondorioetarako, adinaren erreferentzia gisa urte bakoitzaren urtarrilaren 1ean interesdunak duen adina hartuko da, urteak noiz betetzen dituen kontuan hartu gabe.

5. Harpidedun-txartela pertsonala eta besterenezina da; titularrak soilik erabili ahal izango du, horri emango baitio barrutira sartzeko ahalmena.

Hori egiaztatzeko, kontrol eta zaintzarako langileek NAN edo antzeko agiri bat aurkezteko eskatu ahal izango dute.

6. Altan ematen diren urteko harpidedunek urteko kuota ordainduko dute, sarrera-eskaera egiten duten eguna edozein dela ere.

7. Administrazio bulegoak Udal kirol-instalazioen bulegoak finkaturik diren tokian erantzungo die harpidedunek ordainagiri, txartel, denboraldi baterako abonua eta abarri buruz egiten dituzten galderari, lanegun guztietan.

22. artikulua.—Harpidetutako erabiltzaileen betebeharrak

1. Harpidetutako erabiltzaileek betebeharrak hauek bete beharko dituzte:

- Instalazioetako kontrol edota zaintzako langileek eskatzean edozein unetan harpidedun-txartela eta horrekin batera NAN, pasaportearen edo antzeko agiriaren erakusteko betebeharra.
- Araudi honen 52 artikuluan adierazitako dokumentazioa emateko betebeharra.
- Instalazioak eta zerbitzuak behar bezala erabiltzea eta egoki zaintzea.
- Gainerako harpidedun edo erabiltzaileekin behar den begiramena izatea, elkarbizitza onerako beharrezkoa den jarreraz.

— Ezarritako kuotak garaiz ordaintzea, baita alde zurretik onartutako ordu-erreserba ere.

— Orozkoko Udalak berak edo instalazioetako langileen bitartez ematen dituen arau eta jarraibide guztiak onartu eta betetzea.

2. Txartela galdu, lapurtu edo hondatzen bada eta berria egin behar bada, beste bat egiteko eskatu ahal izango da, eta horretarako txartel-neurrirako beste argazki bat eman eta horretarako ezarritako tasa ordaindu beharko da.

Txartela lapurtu edo galdu egin bada, berehala eman beharko da horren berri Administrazioan, jakinaren gainean egon daitezen.

3. Udal kirol-instalazioetan baja eman nahi duen harpidedunak kirol-instalazioetako administrazio bulegoetan jakinarazi beharko du.

a) Urteko harpidedunek kuota ordaindu ondoren baja eman nahi badute, kuota itzulia izateko eskubidea izango dute baldin eta abonua eraginkorra den lehenengo hilabetea amaitu baino lehen eskatzen badute eta denboraldi horretan harpidedun-txartela ez dutela erabili egiaztatzen badute. Epe hori igarota, ez da dirurik itzuliko.

b) Sei hilabeteko harpidedunek kuota ordaindu ondoren baja eman nahi badute, kuota itzulia izateko eskubidea izango dute baldin eta abonua eraginkorra den lehenengo hamabostaldia amaitu baino lehen eskatzen badute eta denboraldi horretan harpidedun txartela ez dutela erabili egiaztatzen badute. Epe hori igarota, ez zaie dirurik itzuliko.

4. Kuotak ez ordaintzeagatik baja eman zaion harpidedunak berriz ere harpidedun egin nahi badu, ordaindu gabeko kuota guztiak ordaindu beharko ditu baja ematen zaionetik berriz inskribatzen den arte.

5. Itzulitako ordainagiriak, ordaintzen ez dituenari alde zurretik jakinarazita, eta ordaintzen ez baditu harpidedun gisa automatikoki baja emango zaio.

6. Orozkoko Udalak instalazioen behin-behineko erabilerarako hainbat kuota ezarriko ditu. Sarrera ordainduz, bai hurrek bai helduek. Erabiltzaileak igerilekuak, aldagelak, dutxak eta gainerako zerbitzuak erabili ahal izango ditu ezarritako arauak betez, harpidedun bat izango balitz bezala. Erreserba daitezkeen zerbitzuak erabili ahal izango dira libre baldin badira eta indarrean den erreserba ordainduta badago.

7. Orozkoko Udalak erabiltzaileei berak programatutako edozein jarduerari ekin aurretik mediku-azterketa egitea gomendatzen die, eta komenigarritzat jotzen badu hori eskatzeko eskubidea bere egiten du.

III. KAPITULUA

HARPIDETU GABEKO ERABILTZAILEAK

23. artikulua.—Harpidetu gabeko erabiltzailearen kontzeptua

Harpidetu gabeko erabiltzailea instalaziora harpidedun izan gabe ezarritako tasa ordainduz sartzen den erabiltzailea da.

Harpidetu gabeko erabiltzaileek eskubidea izango dute edozein kirol-instalazio horiek jendearentzat irekita dauden ordutegi eta egunetan erabiltzeko, aurretik Orozkoko Udalak ezarritako prezioa ordainduta.

Instalazioez gozatzeko ezarritako prezioa ezberdina izan ahalgo da jarduera egiten den instalazioaren arabera.

Prezioa ordaindu izanaren egiaztagiri gisa ticket edo agiri bat emango zaio eskatutako joko-pistara heldu ahal izateko. Agiri hori erakusteko eskatu ahal izango dute instalazioetako langileek edozein unetan.

24. artikulua.—Harpidetu gabeko erabiltzaileen sailkapena

a) Harpidetu gabeko erabiltzaileen artean honako maila hauek bereizten dira:

- Urte horretan 5 urte betetzen ez dituztenak (haurrak).
- 5-15 urtera bitarteko urteak beteta dituztenak (urte horretan beteta).
- 16 urte bete dituztenak edo urte horretan betetzen dituztenak (helduak).

b) Langile arduradunek erabiltzailearen adina egiaztatzeko NAN edo antzeko agiria eskatzeko eskubidea izango dute.

c) Erabiltzaileek aldeztu aurretik ordaindu beharko dute erabili behar duten instalazioa erabiltzeko ezarritako zenbatekoa. Gero beste edozein instalazio erabili ahal izateko nahitaez dagokion beste prezioa ordaindu beharra ekarriko du.

IV. KAPITULUA

ESKOLA KIROLA

25. artikulua.—Ikastetxeek kirol-instalazioak erabiltzea

Orozkoko Udalaren kirol-instalazio eta ekipamenduek beren egituraren zati handi bat udalerriko ikastetxeetan dagoen kirol egitura eskasia arintzera bideratuko dute.

Eskolako ordutegian kirol-instalazioak batik bat Orozkoko ikastetxeetako heziketa fisikoko eta eskola-igeriketako klaseak ematera bideratuko dira.

Hori dela eta, Orozkon dagoan ikastetxeak kirol-instalazioak erabili ahal izango dituzte ikastetxe bakoitzak horretarako Orozkoko Udalarekin banaka izenpetutako hitzarmeneko baldintzak betez, betiere eskolako ordutegiaren barruan erabiltzen badituzte, ikastetxeak emandako berariazko baimenarekin eta irakasle batez lagundurik, irakaslea izango baita bertaraturakoen heziketa fisikoaren eta jarreraren arduradun.

26. artikulua.—Instalazioak lagatzeko irizpideak eta baldintzak

Instalazioak ikastetxeei lagatzeko irizpideak eta baldintzak urtero finkatuko dira, irailean, Orozkoko Udalaren interesak eta ikastetxearenak kontuan hartuta.

Horretarako, kirol norgehiagoken hasieran behar den aurrerapenaz, eta klub, kirol elkarte eta federazioetarako ezarritako epearen barruan, kirola egiteko ordutegi eta egunak erreserbatzeko eskabidea egingo du ikastetxeko zuzendaritzak; horretarako, akordio bat izenpetu eta Orozkoko Udalarekiko hitzarmen batean jasoko da. Hitzarmenak urtebeteko indarraldia izango du, baina luzatu ahal izango da.

Eskolako ordutegitik kanpoko eskola kirolerako ere Orozkoko Udalak instalazioak lagako dizkio, eta erabilera-baldintzak urtero ezarriko dira, eskola-kirolaren kanpaina hasi baino lehen.

27. artikulua.—Eskola-igeriketa sustatzeko kanpainak

Eskola-igeriketa sustatzeko kanpainei dagokienez, begiralea Orozkoko Udalak jarri ahal izango du Udalak aurrez onesten dituen diru-zenbatekoak ordaindu eta dagokion hitzarmenean islatuta. Baina taldeak instalazioetan duen jarreraren erantzukizuna taldearekin batera etortzen den irakaslearena izango da.

V. KAPITULUA

KIROL KLUB, ELKARTE ETA FEDERAZIOAK

28. artikulua.—Kirol klub edo elkarteetan sartzea

Pertsona fisikoak kirol klub edo elkarte eta federazioetan sartu ahal izango dira. Klub, elkarte eta federazio horiek, legearen arabera eratuak, txapelketa-kirolariaren baliozko ordezkari bakartzat joko dira, eta horrela udal kirol-instalazioak erabili ahal izango dituzte, kapitulu honetan ezartzen diren baldintzetan.

29. artikulua.—Kirol talde, elkarte eta federazioek instalazioak erabiltzea

1. Kirol elkarteek, klubek eta federazioek instalazioak erabili ahal izango dituzte entrenamenduak, txapelketak, topaketak, erakustaldiak etab. egiteko, gainerako erabiltzaileen kirol jardueren garapen arrunta oztopatzen ez duten ordutegietan.

Klub, elkarte edo federazio izaera izateko, horrek Euskal Herriko Kirol Elkarte eta Federazioen Erregistroan eta Orozkoko udalerriko Kluben Erregistroan izena emanda egon beharko du.

2. Orozkoko kirol elkarte eta klubek lehentasuna izango dute bere kideek egiten duten kirolari dagozkion udal instalazioen erabileran, dagozkien ekipamenduak dituztelarik, udalerrian egoitza ez duten elkarte eta klubek ez bezala.

3. Klubek eta federazioek instalazioak partida, entrenamendu, erakustaldi eta abarrerako lagatzeko eskaera idatzia aurkeztu beharko diote Orozkoko Udalari.

Kirol denboraldiko entrenamenduetarako eskaerak instalazioan bertan aurkeztu beharko dira, urte bakoitzeko abuztuaren 1etik irailaren 30era bitartean.

Orozkoko Udalak erreserbako ordutegiak zehaztuko ditu, guztien interesak bateratzen saiatuz. Betiere, lehentasuna izango dute egoitza Orozkon dutenek, kalterik egin gabe harpidetu eta harpidetu gabek erabiltzeko ezarritako ordutegiei.

Instalazioa erabiltzeko baimena emanda, beharrezkoa izango da datu hauek ematea: klubaren izena, bere arduraduna, egingo den kirol jarduera, maila, aurreikusitako erabiltzaileen kopurua, eta, horretaz gain, kirolarien zerrenda, horien izena, abizenak, jaiotza data eta beren federazio-lizentziaren fotokopia; horiek guztia instalazioak erabiltzen hasi aurretik aurkeztu beharko dira.

4. Emakida horren iraupena denboraldi batekoa izango da: kirol denboralditzat joko da irailaren 1etik hurrengo urteko ekainaren 30era.

5. Emakidak Orozkoko Udalaren irizpide teknikoen arabera emango dira, aurkeztutako eskaerak ikusita; irizpideetako batzuk honakoak dira:

- Instalazioaren eragin-esparruarekin lotuta edo kokatuta egotea.
- Talde iraunkorrak izatea, kirol asoziazionismoa errazteko modu gisa, talde informal, ezegonkor eta egitura-gabeei kontrajarrita.
- Klubeko taldeen kopuru eta kategoriari erreparatuko zaio, baita jarduera bakoitzeko partaide-kopuruari.
- Inguruaren eta Orozkoko udalaren interesetan laguntzea.
- Aurretik ezarritako betebeharrak betetzea (kuoten ordainketa, ordenari eustea, etab.).

6. Emakidatik aurrera, izen-emateko datuei dagokienez egindako aldaketa guztien berri Orozkoko Udalari eman beharko zaio. Asteburuetarako topaketan egutegiak dagokien federazioek egingo dituzte, eta Orozkoko Udalari igorriko dizkiote 5 eguneko aurrerapenaz. Orozkoko Udalak egutegi horiek aldatzeko eskubidea bere egiten du.

7. Orozkoko klubetako partaide diren taldeek Udal kirol-instalazioetan egiten dituzten txapelketa ofizialak erabilera-tasatik salbuetsita daude, honako kasu hauetan izan ezik:

- Zerbait ipini behar denean edo aparteko prestaketa-lanak egin behar direnean.
- Kanpoko taldeak jokalekua erabilgarri ez izateagatik denean.

8. Entrenamenduetarako erabilerak emateko Orozkoko Udalak antolatu edo baimendutako ekintzen menpe egongo da, eta ez da erreklamazioa aurkezteko aukerarik izango inguruabar horregatik lehenago baimendutako entrenamenduen ordutegia aldatu behar denean. Nolanahi ere, hori hamar eguneko aurrerapenaz jakinaraziko da.

9. Instalazioa ondo zaintzeko, taldeetako kideek topatzen dituzten akats edo hutsegite guztien berri emateko betebeharra dute, eta are larriagoa izango da kideek berek eragindako kalteen berri ez ematea.

10. Jokalekuan, aldageletan eta korridoreetan jarrerak egokia izan beharko du, beti langileen lana erraztuz. Langileekiko begirunea nahitaezkoa izango da uneoro, eta beren aginduak behar bezala bete beharko dira.

Jarrera eta begirunerik ezaren ondorioz taldeari eta bere kideei zigorrak ezartzera iritsi ahal izango litzateke.

11. Kirola, zeinahi dela ere espezialitatea, material eta jantzi egokiez egingo da, ez soilik uniformetasunari dagokionez baizik eta baita jokalekuaren egoera babesteari dagokionez ere.

Hori horrela, batik bat oinetakoak zaindu beharko dira, hau da, jokalekuetako lurzoru bereziak markatzen ez dituzten zolak erabili beharko dira. Arrazoi berarengatik, kalean erabilitako oinetako berak pabilioian ez erabiltzera bultzatzen da, batik bat neguko denboraldian. Hortaz, eskatzen da soilik entrenamendu eta topaketetan erabiltzeko kirol oinetakoak edukitzea.

Talde teknikoko kideek (entrenatzaileak, ordezkariek eta langile laguntzaileak) atal honetan ezarritakoa bete beharko dute, bai entrenamenduetan, baita topaketetan ere.

30. artikulua.—Txapelketa ofizialeko partidak

1. Txapelketa ofizialeko partidetan, talde bisitariko kideak dohain sartu ahal izango dira instalazioetan, talde bisitariaren barne hartuz bai jokalaria, teknikaria, zuzendaritzakoak eta langile laguntzaileak, baita txapelketako arbitroak ere. Horretarako, beren izaera egiaztatu beharko dute, arduradunak idatziko du hori horretarako prestatutako kontrol-orrietan.

2. Talde bisitariaren parte edo arbitro-taldearen parte diren pertsonak behartuta egongo dira Orozkoko Udalaren gainerako arautegia betetzera, eta instalazioak eta bertako materialak behar den bezala zaintzera.

VI. KAPITULUA

KIROL IKASTARO, ESKOLA ETA KANPAINAK

31. artikulua.—Kirol ikastaroak eta kanpainak antolatzea

Orozkoko Udalak ikastaroak edota kanpainak antolatu ahal izango ditu baldin eta erabiltzaileek aski eskatzen badute ikastaro horien bideragarritasuna bermatzeko eta instalazioen azpiegituran antola badaitezke.

32. artikulua.—Kirol ikastaroak

Kirol ikastaroak iraupen mugatuko jarduerak izango dira, aurrez ezarritako programazioei eta finkatutako azken xedeei erantzuten dietenak.

Jokalekuak edo pistak ezin izango dira ikastaroetara bideratutako egun eta orduetarako erreserbatu.

33. artikulua.—Kirol kanpainak

Kirol kanpainak iraupena ikasleen garapenaren arabera programatuta izango duten jardunaldiak dira; edozein ikasle sartu ahal izango da jarduera horietan, edozein maila duela ere, eta lehentasunak ezarri ahal izango dira beren eskaeretan, denboraldi berean ikastaroan duten antzintasunari jarraiki.

34. artikulua.—Ikastaro eta kanpainetan izena ematea

Orozkoko Udalak antolatutako ikastaro eta kanpainetan izena eman ahal izango du ikastaro horietarako interesa duen edozein pertsonak, horretarako ezarritako kuota ordainduta. Izen-emateak udal kirol-instalazioetako harrera bulegoetan ezarritako epean egingo dira.

Oro har, interesdunak berak eman beharko du izena nahi duen ikastaroa, Orozkoko udal kirol-instalazioen harpidedun izan ala ez.

Ikastaroaren ordainketa hiru hilero edo hilero egingo da, ikastaroaren iraupenaren arabera, eta ikastaroa edo kanpaina egin baino astebete lehenago ordaindu beharko da. Kuota hori soilik itzuli ahal izango da ikasleak ikastaro edo kanpaina hasi aurretik bost (5) egun baino gehiagoko aurrerapenez ikastaro edo kanpaina horretara joateko asmorik ez duela idatziz idazten badu.

35. artikulua.—Kirol jardueren programazioa

Bai kirol jardueren programazioa, baita horiek emateaz arduratzen diren pertsonak, Orozkoko Udalak onartu beharko ditu alde zuzenetik.

Orozkoko Udalak ezarriko ditu, ikastaro edo jarduera bakoitzerako, ordaindu beharreko kuota, ikastaroa edo jarduera noiz egingo den, gehienezko eta gutxienezko parte-hartzaile kopurua, izena emateko lekua, etab.

Harpidedunek egindako erreserbek lehentasuna izango dute beti harpidetu gabeek egindako erreserbekiko.

36. artikulua.—Jarduerak edo ikastaroak etetea

Orozkoko Udalak jarduerak edo ikastaroak eten egin ahal izango ditu arrazoi objektiboak direla medio horien jarraikortasuna justifikatuta gelditzen ez bada; horrelakorik gertatzen bada, ikastaro edo aldi horri dagokionez ordaindutako kuotak itzuli egingo dira.

37. artikulua.—Kirol ikastaro edo eskoletan izena eman duten erabiltzaileen betebeharrak

Kirol ikastaro edo eskoletan izena eman dutenen betebeharrak dira honakoak:

1. Irakasleari jarduera praktikatzeko medikuaren egokimen ziurtagiria aurkeztea, ikastaroa emateaz arduratzen denak eskatzen badiu, eta kirol ikastaroan zehar kirola egiterakoan paira lezakeen edozein kalterengatik kalte-galerak eskatzeari uko egitea.
2. Ezarritako kuotak hilabete aurreratuetan ordaintzea. Ez ordaintzeak eskubideak indargabetzea ekarriko du.
3. Ikastaroan ikastaroko monitorearen jarraibideei segituz parte hartzea.

38. artikulua.—Ikastaroetan izena eman duten erabiltzaileen eskubideak

Ikastaroetan izena eman dutenen eskubideak dira:

1. Ikastaroa ematen deneko kirol-instalazioak erabiltzea.
2. Ikastaroa emateko egunak eta ordutegiak aldatuak ez izatekoa, non eta ez den beharrezkoa; aldaketak ikastaroaren iraupenaren % 50i baino gehiagori eragiten badiu, ordaindu dutena atzera eskuratzeko eskubidea dute izena eman dutenek.

3. Orozkoko Udalak beharrezko kirol materiala jar dakien, norbere arropa izan ezik.
4. Ikastaroaren jarraitasuna justifikatzen ez denean, emandako epeagatik ordaindutako kuotaren zati proportzionala atzera eskuratzeko eskubidea, lehenik erabiltzaileei horren berri emanda.
5. Ikastaro osoa horretarako gaituta dagoen kirol monitore batek eman dakien.